



3195

Broj: 07-04-3312/21-3
Ilidža, 22.07.2021. godine

27-07-2021

Skupština Kantona Sarajevo
Predsjedavajući Elvedin Okerić

01 04 25258-47-95/21

Predmet: Odgovor na zastupničko pitanje
Veza: Vas akt broj 01-04-25258-47/21 od 08.07.2021. godine

Zastupnica Segmedina Srna Bajramović na nastavku 38. Radne sjednice Skupštine Kantona Sarajevo, održane dana 08.07.2021. godine postavila je zastupničko pitanje:

1. Da li su riješeni imovinsko-pravni odnosi u vezi prvobitne lokacije za JU OŠ "Jedanaesta osnovna škola" Ilidža, MZ Stup II koja je planirana Regulacionim planom „Stup-Nukleus“ te da li imate informaciju o stanju predmeta i njegovom mogućem završetku?
2. Da li je Općina Ilidža u saradnji sa Službom za obrazovanje, kulturu, sport i informisanje i Ministarstvom za odgoj i obrazovanje KS uradila elaborat o opravdanosti osnivanja škole na alternativnoj lokaciji, shodno članovima 10 i 13. Zakona o osnovnom odgoju i obrazovanju?
3. Koliko sredstava Općina Ilidža izdvaja za prijevoz učenika na relaciji Stup-Prva osnovna škola Ilidža?
4. Koliki je broj učenika koji putuju svakodnevno na relaciji Ilidža-Stup?
5. Da li su sredstva u Budžetu Općine planirana za izgradnju škole?
6. Da li će buduća škola na alternativnoj lokaciji biti planirana u skladu sa pedagoškim standardima i normativima za osnovnu školu („Sl.novine KS“, broj 30/18)?

Odgovor na zastupničko pitanje:

1. Odlukom o usvajanju i provođenju Regulacionog plana „Stup-Nukleus“ („Sl. novine Kantona Sarajevo“, broj 28/18) planirana je izgradnja 11. osnovne škole na Stupu, na zemljištu označenom kao k.č. broj 1034/5, 1034/6, 1034/2 i 1034/4 K.O Stup (katastarska stanja). Na osnovu uvida u zvaničnu evidenciju o nekretninama, te na osnovu Izjašnjenja Pravobranilaštva Općine Ilidža konstatovano je da na tom dijelu predmetnog zemljišta, Rješenjem Kantonalnog suda u Sarajevu od 25.02.2018. i 30.03.2018. godine upisana privremena mjera osiguranja imovinske koristi pribavljena krivičnim djelom i to: mjera zabrane otuđenja i opterećena nekretnina ili stvarnih prava. Obzirom da navedene privremene mjere odgađaju izvršenje RP na neodređen period, Općinsko vijeće Ilidža je još 25.10.2018. godine donijelo zaključak broj 01-02-4341/18-3 kojim je predlagalo Vladi Kantona Sarajevo, kao i nadležnim pravosudnim institucijama—Kantonalnom sudu u Sarajevu i Kantonalnom tužilaštvu da u skladu sa svojim ovlaštenjima iznađu način da se dejstvo navedenih privremenih mjera i zabrana ograniči, te se na taj način doprinese realizaciji projekta 11. osnovne škole na Stupu.



2. Općina Ilidža je u saradnji sa Ministarstvom za odgoj i obrazovanje Kantona Sarajevo izradila elaborat o opravdanosti osnivanja škole „Elaborat o društveno-ekonomskoj opravdanosti za osnivanje Javne ustanove Osnovne škole u naselju Stup“. Podsjećamo Vas, da je Skupština Kantona Sarajevo na sjednici održanoj 05.03.2018. donijela Odluku o utvđivanju postojanja javnog interesa za osnivanje JU Osnovne škole u naselju Stup II (radni naziv: „Jedanaesta osnovna škola“ Ilidža) („Sl.novine KS“ broj 15/18), a član 2. definiše da je Elaborat o društveno-ekonomskoj opravdanosti njen sastavni dio i kao takav dostupan je u elektronskoj formi na stranici Službenih novina Kantona Sarajevo. Elaborat se odnosi na lokaciju planiranu RP, a i na alternativnu lokaciju.
3. Za prijevoz učenika JU Prva osnovna škola Ilidža sa područja MZ Stup (Stupska-Kasindolska-Ilidža) u Budžetu 2021. godine planirano je 50.000 KM na stavci -Program projekata za razvoj kulture, sporta i obrazovanja, ekonomski kod 614114.
4. Prema evidenciji iz Prve osnovne škole Ilidža 229 učenika putuje na relaciji Ilidža-Stup.
5. Sredstva za izgradnju škole na Stupu planirana su u Budžetu Općine Ilidža („Sl.novine KS“ broj 14/21)-Program prostornog planiranja i uređenja građevinskog zemljišta, ekonomski kod 821521 u iznosu od 70.000 KM.
6. Projektni zadatak za projektovanje 11. osnovne škole će se izraditi na osnovu usvojenog Elaborata. Na isti će se tražiti i saglasnost od Ministarstva za odgoj i obrazovanje Kantona Sarajevo koji su upućeni u sve postojeće pedagoške standarde i norme, te zakonsku regulativu iz oblasti obrazovanja. Na osnovu tog projektnog zadatka će biti raspisana javna nabavka za idejni i glavni projekat škole, a bit će prema Zakonu o prostornom uređenju KS, angažovan i revident koji će provjeriti da li je projekat škole isprojektovan prema odobrenom projektnom zadatku te prema važećim normama i standardima. Obzirom da se radi o novom objektu, sve norme propisane projektnim zadatkom, te drugim smjernicama iz oblasti prostornog planiranja će morati biti ispoštovane.

S poštovanjem.

Izradila: Edina Ičindić



Dostavljeno:

1x Naslovu

1x Stručna služba-Kabinet Općinskog načelnika

1x a/a

